

皇朝通典卷三十

乘職官

八

鑾儀衛

掌衛事大臣

鑾儀使

五所完軍使

馴象所冠軍使

旗手衛冠軍使

陪祀

冠軍使

王事

經歷

筆帖式

鑾儀衛掌衛事大臣一人無定員

以王公滿洲蒙古武大臣管理

鑾儀使三人

內二人以滿洲蒙古兼授一人以漢人漢軍兼授

掌供奉

乘輿秩序鹵簿辨其名數與其班列凡祭祀朝會

時巡

大閱則率所司而敬供之既事復進而藏之所屬有左

右中前後五所分鑾輿馴馬擎蓋弓矢旌節幡幢

扇手斧鉞班劍戈戟十司馴象一所分東西二司

旗手一衛分左右二司其左所掌所印冠軍使滿

洲一人凡滿洲員額皆以蒙古兼授各所衛同掌鑾輿司馴馬司司

印雲麾使滿洲二人閑散雲麾使滿洲一人雲麾

使漢軍二人治儀正滿洲四人漢軍五人整儀尉

滿洲二人漢軍八人掌

乘輿輦輅之事凡各所衛官制員額皆順治十一年定右所掌所印冠

軍使滿洲一人掌擎蓋司弓矢司司印雲麾使滿

洲二人閒散雲麾使滿洲一人雲麾使漢軍一人
治儀正滿洲三人漢軍二人整儀尉滿洲三人掌
繖蓋儀刀弓矢槍戟之事 中所掌所印冠軍使
滿洲一人掌旌節司旛幢司司印雲麾使滿洲二
人間散雲麾使滿洲一人雲麾使漢軍一人治儀
正滿洲三人漢軍二人整儀尉滿洲二人漢軍一
人掌麾斨旛幢纛幟節鉞仗馬之事 前所掌所
印冠軍使滿洲一人掌扇手司斧鉞司司印雲麾
使滿洲二人閒散雲麾使滿洲一人雲麾使漢軍

一人治儀正滿洲三人漢軍三人整儀尉滿洲二
人漢軍二人掌扇鑪瓶孟杌椅星拂御仗櫻薦靜
鞭及品級山之事後所掌所印冠軍使滿洲一
人掌班劔司戈戟司司印雲麾使滿洲二人閒散
雲麾使滿洲一人雲麾使漢軍一人治儀正滿洲
三人漢軍三人整儀尉滿洲二人掌旗幟立瓜臥
瓜吾仗之事天馴象所掌所印冠軍使滿洲一人
掌東司西司司印雲麾使滿洲二人閒散雲麾使
滿洲一人雲麾使漢軍一人治儀正滿洲二人漢

軍二人整儀尉滿洲二人掌儀象騎駕鹵簿鐃歌
前部大樂旗手衛掌衛印冠軍使滿洲一人掌
衛事冠軍使漢軍一人掌左司右司司印雲麾使
滿洲二人治儀正滿洲二人漢軍二人整儀尉滿
洲三人掌金鉦鼓角鐃歌大樂及午門司鐘神武
門鐘鼓樓直更之事乾隆七年以鼓手旗尉八十
人並頭尉八人隸樂部改名署史學習音律又民
尉六十人舊以內府匠役閒散人借補者亦改用
旗人並隸樂部焉一陪祀冠軍使漢軍二人駕儀

管理雲麾使漢軍一人治儀正漢軍三人駕庫管

理整儀尉漢軍二人各以其事隸屬於尉無專領

職掌品秩與各所衛同

謹案以上八員雖定制額缺而與七所之各有司存

者不同今據現在員數另爲一條次於各所衛之後

主事滿洲一人經歷

漢軍一人掌章奏文移

員額俱康熙十六年定

筆帖式滿

洲七人漢軍三人

員額康熙十六年定

鳴贊官四人掌贊

鳴鞭初制以本衛官八人兼之乾隆三十七年改

定於太常寺鴻臚寺贊禮郎鳴贊宮內送衛選擇

補用人漢人侍衛無定員乾隆十三年定制每科

以武進士簡拔侍衛者派撥數員在衛行走以備
差委不爲額缺其陞轉仍依侍衛之例初制自順
治元年置錦衣衛指揮使等官二年改爲鑾儀衛
四年罷指揮使置鑾儀使及副使等官五年罷鑾
儀副使定鑾儀使滿洲漢人員額各二九年始以
內大臣掌衛事康熙三十年省漢人鑾儀使一人
所隸有軍尉旗尉民尉凡陳設鹵簿儀仗弓矢及
戟用親軍豹尾槍仗馬用護軍蒙古畫角用蒙古

畫角軍奉請

乘輿用旗尉擎執各項儀仗用民尉

由內府選充者為旗尉五城選充者

為民尉奉

輦旗尉百六十八人民尉六十人各執事旗尉二百四

十六人民尉一千八百五十六人皆分隸各所

乾隆

四十四年定凡民尉籍隸大興宛平者有缺仍以兩縣人充補其籍隸外州縣者有缺則以包衣閒散人等三旗蒙古布勒器三十人漢軍更夫四十

人

皇朝通典卷之三十
職官
世其書曰縣封王命壽令封
刺其榮
恭封

職官

八旗都統
副都統
佐領

八旗都統滿洲蒙古漢軍旗各一人
副都統

各二人分掌滿洲蒙古漢軍二十四旗之政令以

宣布教養稽詰戎兵釐治土田稽覈戶口

駟騎參領滿洲旗各五人蒙古旗各二人漢軍旗

各五人
副駟騎參領各如參領之數等受都統

皇朝通典卷之三十
以顯于佐領而行之
八旗佐領

浙江書局總校王詒壽分校

陳其榮
陳銛恭校

皇朝通典卷三十一

職官

九

八旗都統副都統 參領副參領 佐領驍騎校 筆帖式

八旗都統滿洲蒙古漢軍旗各一人副都統旗

各二人分掌滿洲蒙古漢軍二十四旗之政令以

宣布教養整詰戎兵釐治土田稽覈戶口八旗

驍騎參領滿洲旗各五人蒙古旗各二人漢軍旗

各五人副驍騎參領各如參領之數掌受都統

副都統之政令以頒于佐領而行之八旗佐領

滿洲六百八十人蒙古二百有四人漢軍二百六

十六人 驍騎校每佐領下一人掌稽所治人戶

田宅兵籍以時頒其職掌 印務參領滿洲旗各

二人蒙古旗各一人漢軍旗各二人

於本旗參領內選充

印務章京滿洲旗各八人蒙古旗各四人漢軍旗

各六人

於佐領驍騎校世職內選充

印務筆帖式滿洲旗各

八人蒙古旗各四人漢軍旗各六人

於生監甲兵內選充

隨印外郎漢軍旗各一人蒙古旗各一人

於漢軍官學生

皇朝

內考充

掌章疏文移案牘及繙譯行遣之事

雍正七年每旗

設左右司掌關防參領章京及司務等員十三年
俱省改設印務參領章京筆帖式員額乾隆元年
定

聖朝自龍興東土諸部以次削平歸附日衆

太祖高皇帝辛丑年始編三百人爲一牛录每牛录設額
眞一先是我國出兵校獵不論人數衆寡各隨族
黨屯寨而行每人各取一矢十人設長一領之其
長稱爲牛录額眞至是遂以名官尋復定戶籍分
爲四旗曰黃旗曰白旗曰紅旗曰藍旗以純色爲
辨乙卯年以初設四旗爲正黃正白正紅正藍增

設鑲黃鑲白鑲紅鑲藍四旗黃白藍均鑲以紅紅
鑲以白合爲八旗每三百人設一牛录額眞五牛
录設一甲喇額眞五甲喇設一固山額眞每固山
額眞設左右梅勒額眞二人以佐之天聰八年改
梅勒額眞以下爲章京惟固山額眞如故其隨固
山額眞行營馬兵定爲阿禮哈超哈

此爲驍騎營之始

九

年分設蒙古八旗旗色官制與滿洲八旗同崇德
二年始立漢軍二旗四年以漢軍二旗分爲四旗
七年定設漢軍八旗旗色官制與滿洲蒙古八旗

同順治十六年鑄給八旗都統二十四印十七年定制固山額真漢字稱爲都統梅勒章京漢字稱爲副都統雍正元年改八旗都統印滿文固山額真字爲固山按班漢字如舊凡八旗序次以鑲黃正黃正白爲上三旗正紅鑲白鑲紅正藍鑲藍爲下五旗行軍蒐狩以鑲黃正白鑲白正藍四旗居左爲左翼正黃正紅鑲紅鑲藍四旗居右爲右翼至除授官職公差踐更以上下旗爲辨朝祭班列旗籍界址以左右翼爲辨京城八旗方位左翼白

皇朝通典 卷三十一
三
北而東自東而南鑲黃旗在安定門內正白旗在東直門內鑲白旗在朝陽門內正藍旗在崇文門內右翼自北而西自西而南正黃旗在德勝門內正紅旗在西直門內鑲紅旗在阜城門內鑲藍旗在宣武門內四周星拱以環衛

宸居焉以下管甲喇者卽爲甲喇章京順治八年定甲喇章京漢字稱爲參領滿字如舊康熙三十四年每甲喇增置委署參領各一人於世爵佐領等員內選用雍正元年改爲副參領七年又增置左右